

謫監廣州鹽倉明年改僉事威武軍判官十二年諫官羅汝  
楫劾銓飾非橫議詔除名編管新州同郡王廷珪以詩贈行  
坐流辰州十八年新州守臣張棣許銓與客唱酬謗怨望  
移謫吉陽軍二十六年檜死量移衡州登南恩望海臺賦詩  
而後行自號澹庵老人乾道初為工部侍郎七十以資政殿  
學士致仕薨諡忠簡

辛永宗湖南副總管紹興十九年冬十月己未停官肇慶府  
編管宋史高宗紀坐不附和議宋史秦檜傳以上並編管

按遷謫內如宋史本傳劉安世貶新州別駕安置英  
州旋徙梅州別駕為虛銜實未至新州凡此之類皆  
不錄

肇慶府志卷十七 諫臣 五

肇慶府志卷十七終 高要周汝珉校字

肇慶府志卷十八

人物 漢 吳 齊 唐 南漢 宋 元 明

陳欽子元漢 士燮吳 張岳俱封川

何如瑛新興漢 陳頤 李謹微俱德慶

莫宣卿莫休符 陳萬言 王國材俱封川

陸光圖四會南漢 梁頊子樞 梁彌直

綦毋慮 羅隱孫俱高要 李士廉

李積中 李大性俱四會 韋君載陽春

會躍麟 陳嘉猷 梁作心

林觀俱陽江 李英 梁順孫

黃執矩 譚惟寅俱高明 陳元輔鶴山

石處道 李熙載 樂夔

肇慶府志卷十八 人物

伍士階 梁夢奇 陳讜

謝文晏 謝復生 談文炳

梁畿 莫天祐俱封川 梁國傑陽春

李梅國陽江 劉青高明 梁全

郭友戴元 梁仕亨俱德慶 李逢邱開建

梁敏 梁祖榮 余存諒

鍾瑛 梁軫 葉貞

何經 陳宣 謝永安

李顯 梁致育 李魁

程文 吳尙質梁伯鴻 李實梁玠

李龍 潘節 吳赴

陳輅 謝宗孔 麥孟陽

鄧崇德	姚仲韶	羅一中
陳九成	區廷芳	鍾大成
謝明德	阮金	黃虞龍
梁廷芳	羅成功	李廷材
李初榮	黃焜	陸達人
林用章	劉德	陳迪
呂斯美	盧剛	林賁
林全	劉澄	李宗林
鄭彤	李道全	林世遠
歐陽福	李津	簡篤敬
李璧	蔡文瓚	梁紹唐
盧宅仁	梁素	李文盛
肇慶府志卷十八 人物		
吳鴻達	李潔	林長清
陸表	鄭裘	李燦日
吳士耀	梁千鍾	郭永達
黃鶴年	楊蕃	李夢賦
黃上泰	蕭騰舉	譚騰堯
陳永繩	陸中成	陳海
蘇忠	李芳春	簡聯
劉簡	梁新	陳鼎
張聰	嚴貞	黎常
馮文暉	潘游	簡直
李元傑	柯英	趙良洗
黎時中	劉夢賜	梁玠

黎王臣	彭津	趙羽
歐鎡	梁儲臣	簡載道
陳濟	麥子仁	趙良學
伍啟泰	顧鳴鸞	潘夔
王臣丹	潘毓珩	蘇宇元
崔士暉	林桂	徐洪
吳紀	劉廷亮	梁棟
汪漢	嚴儀	賴麒
賴玉德	何萬邦	汪雲梓
謝詵	伍聚奎	胡秉忠
梁崇伯	張所學	陳諫
楊鳳鳴	梁應材	羅光岳
肇慶府志卷十八 人物		
謝良垣	鄭國一	何謙
伍賢	楊鳳麟	梁之屏
黃守誼	汪萬垓	謝鏜
謝鏞	梁燧	張宏位
謝之棟	劉裔灼	歐陽念
陳炳璿	林茂	徐鼎
徐季	劉源	陳衡
沙浩	劉芳	鄭致和
劉竝	支榮	陳璘
陳桂芳	林接雲	許信
劉琳	羅士毅	岑經
趙世清	施孔儉	蘇復生

劉景廉	李天培	羅尙質
徐鳴陽	許效忠	蘇復光
黃尙彩	梁澄	姜仁浩
林鳳翀	李天毓	陳登雲
李天材	梁拱極	梁樞
蘇光軾	杜頴昌	何如禮
林高標	馬如龍	譚瑞龍 <small>俱陽江</small>
譚克忠	謝迪	黃袞
何珍	嚴纓 <small>子逢逾</small>	譚南昌
林鴻	譚維城	楊楚
嚴貫	李邦祥	譚果
楊衡	譚宗懿	區日琳
肇慶府志卷十八 人物		
譚起	嚴相	區益
羅黃裳	羅煥章	何天衢
楊紹程	嚴節	嚴機
譚舜典	何一麒	劉徵
劉時可	區大樞	區大相
區大倫	黎衷	譚大寧 <small>弟那傑附</small>
楊休	劉覺	嚴孔章
區大成	區金龍	羅儀
區配乾	譚大智	何惟恕
區懷懿	關捷先	嚴耀初
黎天相	區懷瑞	區懷年
莫樂	嚴學思	王邦鎮

王應楨	黎士楚	麥而炫 <small>區懷昇</small>
楊從堯	程本	李順
李文璧	楊維福	謝振宗
譚相國	區光表 <small>俱高明</small>	唐華
鄭履祥	莫如士	莫如善
鄭文	唐賓	唐淳
陳元璞	馮邃	梁以綯
張斗南	鄭坤元	馮士奇
馮登雲	吳濟之	鄭奎光
譚虬	梁維棟	梁銓 <small>俱恩平</small>
龐尙鴻	陳道同	蘇忠
黃約	梁維梓	李大柰
肇慶府志卷十八 人物		
周達仁	周裕廷	高鵬
楊元美 <small>俱廣寧</small>	梁臨	張天統
張紳	梁繼灝	吳韜
張紀	梁惠	余諒
羅素	何述	陳經綸
余統	李興	李文明
余敬	張壁光	關中
馮般	李江	倫大禮
李逢年	楊景辰	許相
鄺達禮	司徒綬	許培之
張鴻	許炯	何熊貞
陳璣	勞士傑	馮八秀

此為試版，需要完整PDF請訪問：www.tongbook.com

馮宇志	李涓	施用
劉文瑞	楊英	易之教
羅兆鵬	容瑞	勞守謙
容瀚	古天祐	吳應鴻
陸象賢	倫肇修	任六推
吳馴	任鳳翔	易奇際
施應岳	易鏞 <small>易九彬</small>	易文炳
馮一夔	吳獻 <small>俱鶴山</small>	李質 <small>伯震</small>
李穆	陳立	王制
曹昌	王璋	謝澤
陳衍	張淵	徐璋
梁東之	王朝臣	謝恩榮
張汝秀	劉楊	陳天華
鄧牆	梁崔	梁滔
陳沛	謝球	陸世鍵
陳守基	陸大成	戚大勳
歐萬顯	徐有為	杜英
梁大同	劉大禮	劉勉
謝君言	梁梓	梁普 <small>俱獲</small>
蒙端	李信	岑哲
陳錠	蘇喬	蘇夢陽
楊賢	陳廷俞	陳天瑞
岑一麒	葉高	葉日煥
八天培	陳道蘊 <small>俱封川</small>	莫士忠

莫敏	陳義	陳顯
陳譽	植以進	張子奇
陳元昭	黃璉	張應蘭
侯用宗	侯用賓	侯應遊
侯應選	侯應達	饒志學 <small>俱家慶</small>
李東陽	鄧士新	陳大倫
鄧起龍	侯世勳 <small>俱開建</small>	

漢

蒼梧陳欽漢書儒林傳字子佚經文王莽從欽受左氏學以欽為厭難將軍傳自名陳氏春秋後漢陳元字長孫蒼梧廣信人也父欽習左氏春秋事黎陽賈護與劉歆同時而別自名家元少傳父業為之誥訓銳精覃思至不與鄉里通

肇慶府志 卷十八 人物 七

以父任為郎建武初元與桓譚杜林鄭興俱為學者所宗時議欲立左氏傳博士范升奏以為左氏淺末不宜立元聞之乃詣闕上疏曰陛下撥亂反正文武並用深愍經藝謬雜真偽錯亂每臨朝日輒延羣臣講論聖道知邱明至賢親受孔子而公羊穀梁傳聞於後世故詔立左氏使詢可否示不專已盡之羣下也今論者沉溺所習說守舊聞因執虛言傳授之辭以非親見實事之道左氏孤學少與與猶遂為異家之所覆冒夫至音不合眾聽故伯牙絕絃至寶不同眾好故卞和泣玉仲尼聖德而不容於世况於竹帛餘文其為雷同者所排固其宜也非陛下至明孰能察之臣元竊見博士范升等所議奏春秋左氏不可立及太史公違戾凡四十五事按升等所言前後相違皆斷絕小文嫫黷微辭以年數小差擬

為巨謬遺脫纖微指為大尤抉瑕摘釁掩其宏美所謂小辯  
破言小言破道者也升等又曰先帝不以左氏為經故不置  
博士後主所宜因襲臣愚以為若先帝所行而後主必行者  
則盤庚不當遷於般周公不當營洛邑陛下不當都山東也  
往者孝武皇帝好公羊衛太子好穀梁有詔詔太子受公羊  
不得受穀梁孝宣皇帝在人間時聞衛太子好穀梁於是獨  
學之及即位為石渠論而穀梁氏與至今與公羊並存此先  
帝後帝各有所立不必其相因也孔子曰純儉吾從眾至於  
拜下則違之夫明者獨見不惑於朱紫聽者獨聞不謬於清  
濁故離朱不為巧眩移目師曠不為新聲易耳方今干戈少  
弭戎事畧戢留思聖藝眷顧儒雅採孔子下拜之義卒淵聖  
獨見之旨分明黑白建立左氏解釋先聖之積結洮汰學者

肇慶府志卷十八 人物

八

之累惑使基業垂於萬世後進無復狐疑則天下幸甚臣元  
愚鄙嘗傳師言如得以褐衣召見俯伏庭下誦孔氏之正道  
理邱明之宿冤若辭不合經事不稽古退就重誅雖死之日  
猶生之年也書奏下其議范升復與元相辯難凡十餘上帝  
卒立左氏學太常選博士四人元為第一帝以元新忿爭乃  
用其次司隸從事李封於是諸儒以左氏之立論議謹謹自  
公卿以下數廷爭之會封病卒左氏復廢元以才行高著名  
辟司空李通府時大司農江馮上言宜令司隸校尉督察三  
公事下三府元上疏曰臣聞師臣者帝賓臣者霸故武王以  
太公為師齊桓以夷吾為仲父孔子曰百官總已聽於冢宰  
近則高帝優相國之禮太宗假宰輔之權及亡新王莽遭漢  
中衰專操國柄以偷天下况已自喻不信羣臣奪公輔之任

損宰相之威以刺舉為明徵訐為直至乃陪隸告其君長子  
弟變其父兄網密法峻大臣無所措手足然不能禁董忠之  
謀身為世戮故人君患在自驕不患驕臣失在自任不在任  
人是以文王有日昃之勞周公執吐握之恭不聞其崇刺舉  
務篤察也方今四方尚擾天下未一百姓觀聽咸張耳目陛  
下宜修文武之聖典襲祖宗之遺德勞心下士屈節待賢誠  
不宜使有司察公輔之名帝從之宣下其議李通罷元後復  
辟司徒歐陽歙府數陳當世便事郊廟之禮帝不能用以病  
去年老卒於家子堅卿有文章後漢書本傳

按范書云以父任為郎後辟司徒歐陽歙府陸德明  
經典釋文云司空南閣祭酒陳元此可補范書之缺

肇慶府志卷十八 人物

九

吳  
士燮字威彥蒼梧廣信人也其先本魯國汶陽人至王莽之  
亂避地交州六世至燮父賜桓帝時為日南太守燮少游學  
京師事穎川劉子奇治左氏春秋察孝廉補尚書郎公事免  
官父賜喪闋後舉茂才除巫合遷交趾太守弟壹初為郡督  
郵刺史丁宮徵還京都壹侍送勤恪宮感之臨別謂曰刺史  
若待罪三事當相辟也後宮為司徒辟壹比至宮已免黃琬  
代為司徒甚禮遇壹董卓作亂壹亡歸鄉里吳書曰琬與卓  
於琬甚有聲稱卓惡之乃署教曰司徒孫士壹  
不得除用故歷年不遷會卓人聞壹乃亡歸交州刺史朱  
符為夷賊所殺州郡擾亂壹乃表壹領合浦太守次弟徐聞  
令翰領九真太守前音於前翰弟武領海南太守燮體器寬  
厚謙虛下士中國士人往依避難者以百數耽玩春秋為之

注解陳國袁徽與尚書合荀或書曰交阯士府君既學問優博又達於從政處大亂之中全保一郡二十餘年疆場無事民不失業羈旅之徒皆蒙其慶雖寶融保河西曷以加之官事小閱輒玩習書傳春秋左氏傳尤簡鍊精微吾數以咨問傳中諸疑皆有師說意思甚密又尚書兼通古今大義詳備聞京師古今之學是非忿爭今欲條左氏尚書長義上之其見稱如此變兄弟竝為列郡雄長一州偏在萬里威尊無上出入鳴鐘磬備具威儀笳鼓吹車馬滿道胡人夾轂焚燒香者常有數十妻妾乘輜軒子弟從兵騎當時貴重震服百蠻尉佗不足踰也武先病沒朱符死後漢遣張津為交州刺史津後又為其將區景所殺而荆州牧劉表遣零陵賴恭代津是時蒼梧太守史璜死表又遣吳巨代之與恭俱至漢聞

肇慶府志

卷十八

人物

張津死賜變璽書曰交州絕域南帶江海海上恩不宣下義墜隔知逆賊劉表又遣賴恭闕看南土今以變為綏南中郎將董督七郡領交阯太守如故後變遣吏張雲奉貢詣京都是時天下喪亂道路斷絕而變不廢貢職特復下詔拜安遠將軍封龍度亭侯後巨與恭相失舉兵逐恭恭走還零陵建安十五年孫權遣步騭為交州刺史騭到變率兄弟奉承節度而吳巨懷異心騭斬之權加變為左將軍建安末年變遣子厥入質權以為武昌太守變壹諸子在南者皆拜中郎將變又誘導益州豪姓雍閻等率郡人民使遙東附權益嘉之遷衛將軍封龍編侯弟壹偏將軍都鄉侯變每遣使詣權致雜香細葛輒以千數明珠大貝琉璃翡翠瑁犀象之珍奇物異果蕉邪龍眼之屬無歲不至壹時貢馬凡數百匹權輒為

書厚加寵錫以答慰之變在郡四十餘歲黃武五年年九十卒權以交阯縣遠乃分合浦以北為廣州呂岱為刺史交阯以南為交州戴良為刺史又遣陳時代變為交阯太守岱留南海良與時俱前行到合浦而變子徽自署交阯太守發宗兵拒良良留合浦交阯桓鄰變舉吏也叩頭諫徽使迎良徽怒笞殺鄰鄰兄治子發又合宗兵擊徽閉門城守治等攻之數月不能下乃約和親各罷兵還而呂岱被詔誅徽自廣州將兵晝夜馳入過合浦與良俱前壹子中郎將匡與岱有舊岱署匡師友從事先移書交阯告諭禍福又遣匡見徽說令服罪雖失郡守保無他憂岱尋匡後至微兄祇弟幹頌等六人肉袒奉迎岱謝令復服前至郡下明且早施帳幔請微兄弟以次入賓客滿座岱起擁節讀詔書數微罪過左右因

肇慶府志

卷十八

人物

反縛以出即首伏誅傳首至武昌壹黼匡後出權原其罪及變質子厥皆免為庶人數歲壹黼坐法誅厥病卒無子妻寡居詔在所月給俸米賜錢四十萬吳書本傳按封川縣本廣信地故陳元士燮舊志皆以為封川人物也阮通志

南齊

張呂字彥高封川人少為鄉曲所譽舉秀才初仕晉興合有吏幹累遷安昌郡守事齊明帝於藩邸轉西中郎帝以宣城王入輔用呂為左將軍甚見寵信王即位是為明帝建武初以平寇功代陳顯達為司空貴極台司謙恭禮下嘗建言清理獄訟帝從其言及蕭詵等獲罪呂見帝踈忌骨肉諷諫不從乃求出刺郢州即拜驃騎大將軍郢州刺史仍加司空呂

遂棄官入長沙溫泉山人因號此山為司空山縣志

唐

何如瑛新州人今新五世祖言據有溪洞為雲浮鎮將父遊秦頗讀書知大義覺其兄遊魯有異志即棄產資與妻子客寓合浦為採珠徒長如瑛失怙能自樹立讀兵書善騎射從江右觀察使李勉為折衝都尉以平盜功遷左威衛將軍充桂州防遏使太一之亂買勇先登擒其裨將嶺表遂平及楊慎微代勉節度嶺南或言如瑛與羅州首領馮季康入廣州時多匿寶貨遂執之搜其家得珠琲乃父遊秦所遺也與季康皆死觀察使徐浩為二人訟寃代宗下詔褒贈厚恤其家初如瑛在鄱陽遇貧士陶洪悅其文詞每賙給之至是掌浩書記知如瑛素輕財好義軍中所獲金帛輒頒士卒道逢老摩慶府志卷十八 人物

稱必有賜予因是知其必不苟取浩遂力為申雪黃通志

按黃通志云據唐書册府元龜泰修然新舊書無何如瑛事册府元龜載此事于大歷二年宣慰嶺南莫藏用制勅中但言如瑛寇抑所謂太一之亂者事見李勉傳勉除江西觀察使賊帥陳莊連陷江西州縣偏將呂太一武日昇相繼背叛乃江右事曷云嶺表遂平耶然言之鑿鑿必有所本姑存以俟考阮通志陳頴德慶州人少讀書秉義明練孫吳通達權變隋末馮盎調兵端溪頴率眾赴之事平拜瀧州刺史撫循有方聽訟必集耆老咨詢再三而後決遠近稱服後益歸唐頴亦至長安與燕賚歷勤白二州論尚俚輸賦違令者以金贖罪輯緝功多進奮武將軍卒黃通志鄉人即其所居立祠祀之扁曰興

化數通志

李謹微康州人今德天祐元年進士授番禺令之任夜泊三洲時夜半月高作歌朗吟有一漁父擊舟而來長揖曰適聞子吟嘯有觀國之志偶就子言會世將亂矣宜高尙雲林以保天年言訖不見謹微悟遂隱不仕阮通志莫宣卿字仲節封川人父讓仁博學能文吳有隱德早世母梁氏改適開建莫及芝及芝故有子二曰儔曰羣皆長於宣卿儔羣讀書宣卿常在側聞言即悟白鶴數歲與諸兒戲沙中自詠曰我本南山鳳豈同凡鳥羣人大奇之比長構書屋麒麟山下奮志誦習才藻宏麗頃刻千萬言封川志大中五年廷對第一初典翰林因母老乞補外以便就養詔可賜官台州別駕歸省迎母未至官所而卒咸通九年封川刺史李肇慶府志卷十八 人物

邦昌上其事欽奉上勅為唐正奏狀元莫孝肅公祀以廟食表其里居曰文德獨其賦稅以供齋嘗著為令誥曰朕為崇德報功帝王之盛事旌淑別惡治道之當然惟茲狀元莫宣卿勅為唐正奏狀元孝肅時其祭祀別為常典表其宅里賜額如前推朕賞延於世之意獨其本支租稅之供原貢公家之田賦充為廟祀之蒸嘗爾凡有司仰體朕意嗚呼孔子之道周公之孝賴以先傳經天之學緯地之文咨汝後啟尚冀精爽贊我皇猷汝惟欽哉母替朕命宣卿自幼以至登第所撰詞賦詩歌如真金美玉不落形迹如化工生物不事粧點雖鄉曲童子與夫田野愚夫婦皆重其名而樂道之白鶴南大魁天下自宣卿始至今讀書堂片玉亭狀元井狀元書院龍吟水皆其遺迹云雙樓族休符受知鄭愚為融州刺

史權知春州著有桂林風土記

按宣卿隨母改適事載 欽定全唐文白鴻儒莫孝

肅公詩集序鴻玷官封州序為宣卿嫡孫莫立之請

作斷無可疑而阮通志謂此事為齊東野人之語豈

全唐文不足信耶倘謂隨母改適足為宣卿玷故隱

之而范仲淹亦隨母適長白山朱氏其舉進士時猶

名朱說未聞足為仲淹玷於宣卿又何嫌焉

陳萬言封川人乾符二年登進士為歙州刺史周恤民急能

折豪強時稱能吏晚歸隱漁村乃刻苦作詩人稱慕之

王國材封川人昭宗乾寧三年進士不任而歸家居清苦供

母篤孝

南漢

肇慶府志卷十八 人物 十四

陸光圖四會人祖東昇為劉隱裨將守端州及龔建國累遷

兵部侍郎父昂桂州刺史靜江軍節度使光圖生長華胄讀

書知大義仕至閩門副使劉鋹時文武百官多入知內侍省

光圖堅求外郡遂出為郴州刺史鋹昏愚以郴為極邊惡地

故徙任之光圖至郴周恤窮民招輯兵事境賴以安民呼陸

父大寶十三年宋師來伐光圖遣兵柵騎田嶺會兩漲黃溪

水溢宋將潘美至順流破其柵遂取郴州光圖與大將暨彥

贊力戰被執不屈死張遂亡國其子孫多居端州

按光圖有故吏龐姓者嘗奏事見張張識之及降於

潘美過騎田嶺龐來迎張張驚曰爾亦在此耶對曰

大王之國邊境至此而極非有萬里之遠也張初以

郴為極邊故使光圖居之不知其在中國特彈丸黑

子耳

宋

梁頴字微之其先京兆萬年人祖昉佐幕番禺時劉氏稱漢

昉恥非王命遜於東莞宋初遂占籍高要

行信於朋友詞章尤贍補武仙簿歷鬱林尉封州司戶叅軍

悉著能聲年及掛冠移疾乞休朝廷美之遷光祿寺丞景祐

元年終於封水年七十三子揆事親孝築廬塚旁朝夕哭泣

廬外植蔬樹粟以給餽粥不茹暈血凡六年者老以狀白長

吏表聞詔郡縣以時存問賜粟帛旌其孝掌選補者以揆至

行官之

梁弼直高要人通五經博學強記五魁鄉舉號為梁書櫃秘

書張宋卿守端州延之齋閣甚禮重之調靜江荔浦尉以除

肇慶府志卷十八 人物 十五

盜功轉鬱林僉書一日假寐夢西海府君牒請至殿庭如王

居講賓主禮請撰水城記梁援筆立成覺而錄之明日無病

而逝其遺文尙有能誦者

碁母慮字深之高要人紹興五年領鄉薦歷官淮南江浙荆

湖路發運司計置官宣和五年轉廣東西路提舉茶鹽事再

除轉運判官先是朝廷以廣惠潮恩四郡鹽課屬之轉運副

使鹽戶失業逃亡虧損元豐中舊額十一二慮被命奏鹽戶

典賣鹽田於稅戶得享厚利而鹽田歲額有虧乞命稅戶買

町戶鹽田依原額送納朝廷是其議命下行之町戶不為

豪民侵併實自慮始

羅隱孫宇宗棟寶祐丙辰進士居高要之羅岸性聰慧有大

志讀書洞達世務先是羅岸地勢瀕江水無堤岸孫每為商

畧輒撫髀歎曰有志未逮耳及登進士授徽州僉判尋轉浙江運使所在多惠政籍籍有聲朝廷降璽書褒之未幾解組歸捐俸築堤二千餘丈高丈餘捍田六千餘頃繼又開墩埭小陌二竇旱則引水灌焉羅岸土田腴美得不困於公賦隱孫之力也吳志

李士廉字舉之四會人形狀魁碩有大志喜周遊四方尤愛蜀之勝因寓於錦城輕財好施蜀人敬之熙寧二年河隴用兵諸將經費不節朝廷遣御史按察下總管使王君萬於獄君萬素不識士廉望風遣人求救士廉知君萬驍將也出錢二千緡與之免罪既出獄適鬼章犯洮隴君萬力戰屢克敵每於所獲功為士廉報士廉曰吾豈望報者天果祐吾有子力學獲祿養足矣君萬感泣後子積中登進士第士廉從積肇慶府志卷十八 人物 六

中宰新吳時廉訪委鞠獄陰使中傷之又令增羨鹽許以薦章士廉戒之曰吾固願汝顯榮必以是得之弗願也積中從父訓弗許後以積中貴封翰林學士黃通志

李積中士廉子元豐二年進士卓然有台輔器歷官御史翰林直學士司馬溫公作相時積中嘗與議新法不阿後蔡京得政黜元祐之黨凡二百九十人積中在黨中舊居四會之社山後以黨籍遂家豫章世仕於朝衛尉丞良弼戶部侍郎安國兵部尚書大性省元大異大東皆其子孫並躋侍從為世名臣父子皆祀鄉賢戴通志

李大性字伯和四會人少力學尤習本朝典故以父任入官因泰選進藝祖廟謨百篇及公私利害百疏又言元豐制六察許言事章惇為相始禁之乞復舊制以廣言路從臣力薦

之命赴都堂審察僅遷一秩為湖北提刑司幹官未幾入為主管吏部架閣文字丁母艱服闋進典故辯疑百篇皆本朝故實網羅百家野史訂以日歷實錄核其正舛率有依據孝宗讀而褒嘉之擢大理寺直遷勅令所冊定官添差通判楚州郡守吳曦與都統劉超議欲移城他所大性謂楚城實晉義熙間所築最堅厚奈何以脆薄易堅厚乎持不可臺臣將劾其阻撓會從官送北客朝命因俾廉訪具以實聞遂罷戎帥召大性除大府寺丞遷大宗正丞兼倉部郎尋改工部陳傅良以言事去彭龜年黃度楊芳相繼去大性抗疏言朝廷清明乃使言者無故而去所甚惜也數人之心皆本愛君任其去而不顧恐端人正士去者將不止此孟子曰不信仁賢則國空虛臣所以為之寒心也孝宗崩光宗疾未能執喪大肇慶府志卷十八 人物 七

性復上疏言今日之事顛倒外逆况金使祭奠當引見於北宮素唯不知是時猶可以不出乎檀弓曰成人有死而不可及者聞子臯將為成宰遂為衰成人曰兄則死而子臯為之衰非為兄也若陛下必待使來然後執喪則恐貽譏中外豈特如成人而已哉遷軍器少監權司封郎提舉浙東常平改浙東提刑兼知慶元府召為吏部郎中四遷為司農卿明年兼戶部侍郎出知紹興府甫一歲召為戶部侍郎陞尚書朝論將用兵大性條陳利害主不宜輕舉之說忤韓侂胄出知平江移知福州又移知江陵充荆湖制置使江陵當用兵後殘燬饑饉繼以疾疫大性首議賑貸凡三十八萬緡有奇前官虛羨凡十四萬五千緡率蠲放不督民流移新復業者奏免徵權邊郡武爵本以勵士冒濫滋歛劾兩路戎司冒受逃

亡付身凡三千四百九十有七道繳上毀之左選為之一清  
 江陵舊使銅鑑錢重楮輕民持資入市有終日不得一錢者  
 大性奏乞依襄郢例通用鐵錢於是錢貨通流民始復業除  
 刑部尚書兼詳定勅令尋遷兵部時金國分裂不能自存有  
 舉北伐之議者大性上疏以和戰之說未定乞令朝臣集議  
 從之尋以端明殿學士知平江府引疾丐祠卒於家年七十  
 七贈開府儀同三司諡文惠宋本  
 韋君載字元厚春州人今陽春縣質穎向學聞廣州多名儒乃往  
 從師擇友學成而歸登淳熙二年進士以奉議郎權攝廣南  
 東路提舉茶鹽奏減官賣鹽及增收鹽斤錢商民便之今祀  
 於鄉賢通志  
 會羅鱗字子龍陽江人少警敏善屬文淳熙五年登進士第  
 肇慶府志卷十八 人物 六  
 初為羅源簿以弭盜功擢判汀州所至皆有政聲受知於學  
 士李彥穎薦入秘書時少師陳俊卿器重之會諫官缺俊卿  
 以其名上遂拜監察御史紹興末災異數見鱗疏請避殿減  
 膳以承天心啟事剴切多見施行吳志  
 陳嘉猷南恩州人紹興二年以詞賦舉於鄉任高州府推官  
 政績卓異擢知新州事歷朝議大夫秘書省校書郎先是任  
 高州時二親垂白便道稱觴邑人嘉其榮立介福坊以表之  
 今坊圯而里巷猶傳其名同上  
 梁作心南恩州人力學窮經累舉於鄉紹興間肇慶通判黃  
 公度攝守南恩大稱重之是歲作心領鄉薦上春官得特奏  
 名與廷對登第南恩士人得雋者自作心始青矜知稽古之  
 榮梓里見破荒之事公度答作心啟也明嘉靖中知縣吳煥

〔道光〕肇慶府志 卷一八

章表而祀之舊陽江志又見恩平志  
 林觀南恩州人紹興三十年海賊陳演添等掠高雷境上觀  
 為所執既而殺演添及其黨九十餘人歸南恩州補承信郎  
 輿地  
 李英字子厚高要人天聖中同學究出身初任象州司理秦  
 軍轉博羅簿用辟薦歷橫州白州欽州推官所至以廉能稱  
 熙寧中欽州守臣竄謀啟蠻交人攻城陷之英以死守一家  
 戮于刃者十有三人明統志云神宗聞而悼之贈比部郎中  
 詔錄其季子忠為班行從弟表為三班忠乃招魂葬之於祿  
 村建祠祀之號比部廟祀鄉賢黃通志  
 按一統志郡志書英高要人廟食高要時高明未分  
 縣地屬高要故也今本縣布社都坑頭村見有英宅  
 肇慶府志卷十八 人物 十九  
 遺址高明志  
 梁順孫字景樞高要人今屬高明以兩貢辟雍元豐間賜廷  
 對將仕郎出身歷陽江尉廣州左司理與寧新會合桂州觀  
 察判官宣和間監邕州橫山田州謹乃寧畢等峒金坑舊制  
 輸金監官多有所需峒丁苦之叛服靡常屢為朝廷患先時  
 儂寇陸掠平民入峒凡數十年無一人還者梁至撫諸峒  
 以恩信不較其金惟從其便諸酋長悉聽服梁遂以身請歸  
 其民民之從而歸者如市州人德之有梁父母之稱廣西志續錄  
 未幾卒於官喪發之日民護送者數百里祀名宦祠以狀聞  
 於朝朝廷嘉之官其子嚴諷累官朝請郎知韶州次子嚴穆  
 累贈中奉大夫其子孫累世仕宦嚴通志  
 按高明志曰順孫姓梁後姓嚴蓋賜姓也稽家譜云

嚴諷補廕時上閣順孫狀有號令嚴明之語遂賜姓嚴又云舊志嚴諷累官朝請郎知韶州穆諷之弟也累贈中奉大夫世居高要嗣原村遷居范山多岡子孫累代仕宦考書山注云鄉人嚴穆肄業其上子諷以特奏知韶州孫挺臣以正奏通判廉州與之矛盾疑有錯簡又曰按高田嚴家譜云諷由特科列在郡志其先本姓莊後改嚴載之氏族可考也宋英宗時避遼夏兵火卜於古端之西雲蓋鄉都騎都書山下嗣原居焉子穆孫挺臣以正奏通判廉州並存備考

阮通志

黃執矩字材用高要人今屬高明質樸有古風早厭科舉之文慕濂洛之學常從胡寅張栻遊講明正道泰訂中庸大學肇慶府志卷十八 人物 二十

之義以訓後進在南軒門嘗問喜怒哀樂之未發謂之中答曰凡涉於思皆已發也未發之中豈容安排量度伊川與呂與叔論中庸最宜詳味如問致堂質諸鬼神而無疑鬼神如何可質答曰知鬼神之情狀則可見有質之之理又問國家興亡何以見乎蒼龜動乎四體答曰通天下一氣故如此如石勒耳鳴皆成笙簫聲隋煬帝晚年夜常恐懼不眠之類初調封川尉轉新興丞以俸資嫁姪女鄉人稱其義祀鄉賢祠

戴通志

譚惟寅字子欽高要人今屬高明紹興二年登進士第讀書一覽終身不忘常夜入衢州詳符寺閣古碑就僧假燭不至遂以手摸之歸即錄所記黎明對本不遺一字應博學宏詞科泰政龔茂良薦除太學博士出倅靜江容州提舉廣西鹽

鐵事戴通志建思賢堂祀元次山等五賢傲其行事又於堂之東西作延老樂山二軒以見志廣西官志尋遷廣東提刑改江西提刑卒於官端州人祀鄉賢有蛻齋講學大學中庸行於世戴通志

陳元輔陳英輔鶴山人共祖珠仕高宗拜諫議大夫守正不阿自汴梁謫宦南雄遷邑之凌村帝特駐蹕厓山元輔兄弟仗義勤王出粟數千石助師特旨建義士坊於其里元輔卒遺戒子孫不仕元其裔孫經綸輩至明始顯縣志

石處道字元嬰康州人今德慶幼聰敏築室讀書鄉人因其所居之村山水皆名書堂登元豐五年進士知松江縣以清白稱政暇為詩詞有松江集官至朝奉郎祀鄉賢祠金通志

李熙載字伯先康州人幼穎悟博學能文元豐八年進士元肇慶府志卷十八 人物 三十一

符間為廣南西路計度轉運使政聲著聞賜勅褒嘉官至朝

議大夫有詩集行于世今祀鄉賢祠上

樂夔字友龍德慶州人戴通志舉廷對調鬱林司戶遷

封川令調循州長樂令有寇千餘恣剽掠邑無城可恃夔集民兵激以重賞一鼓成擒大帥留泰目為健令漕吏劉強學聯署上聞班見改宣教郎未幾轉通直郎賜緋魚袋居官以廉能著稱倅董試奉直總餉歲羅二十萬價視昔適歲稔祭直頓減羨錫一千五百萬吏欲私之夔悉還農士民感歎卒祀鄉賢黃通志

伍士階晉康人今德慶官累奉議郎知封川秩滿掛冠東歸性

純元寂自適其志子孫俱以忠孝顯運使同鄉李伯先贈詩有一門萃忠孝竹帛寫家聲之句祀封川名宦祠上

一覽終身不忘常夜入衢州詳符寺閣古碑就僧假燭不至

遂以手摸之歸即錄所記黎明對本不遺一字應博學宏詞

科泰政龔茂良薦除太學博士出倅靜江容州提舉廣西鹽

鐵事戴通志建思賢堂祀元次山等五賢傲其行事又於堂之

梁夢奇晉康人今德慶州世有義方累舉調潯州法曹廉謹自守  
繡衣使者行部風力甚勁守以下皆獲譴見夢奇獨優禮之  
薦諸朝遷瓊州推官年六十致仕築室茂林修竹問集鄉俊  
諫試之郡缺博士委攝焉郡守下車必先訪其廬其推重如

此陳謙德慶州人少讀易以學行聞鄉選士屢充貢後中特科  
仕有能聲歷韶潮二州叅軍監司廉其有守屢旌之官至通  
直郎

謝文晏德慶州人性穎悟成誦即不忘登紹熙四年進士初  
知武城縣詢民疾苦興利除害董修城垣盡心區畫邑人立  
碑誦之後官殿中侍御史冰操益勵在朝多所建白俱同上

謝復生德慶州人登酒祐進士初任華州監獄陞大理寺評  
事授誥命二道休致杜門訓子慷慨樂施嘗貸友人李檄粟

五十斛不問其值救佃獐黃公韋等三十命却其酬里閭賢  
之州談文炳字榮甫德慶州人少博學景定五年進士歷官果化

州判廣西宣慰使司保陞萬承軍民州同撫綏流移訟簡民  
安以薦陞思明府同知兵亂遂避於丹崗村居焉同上

梁畿德慶州人咸淳三年及第官至朝列大夫終於任諭葬  
本鄉羅旁九牛山誥封猶存州

莫天祐字均作封川人奮身自屋勵志讀書宋嘉定間進士  
及第任連州司法叅軍改知道州寧遠縣子姪一門俱領鄉  
薦邦人榮之通

元

梁國傑陽春縣人有才畧兩任隣封不私故舊累官昭勇大  
將軍沿海招討使號令嚴明士卒用命海寇遁跡聞於朝官  
其子奎安陸州吏目遷奉訓大夫知南恩州轉朝列大夫通

李梅國字敦臨陽江縣人祖餘慶任南恩倉大使大德四年  
登進士第三人授給事中陞通議大夫吏部左侍郎進資政  
大夫刑部尙書大定四年卒有詩名其子仲高以恩補官曾  
孫彥信至正三年為刑部員外郎舊陽江志

劉青其先亳州人建炎初隨高宗南渡寓信安遷居端州龍  
津坊父經仕元以武功授武經大夫膺青汀州都監及於王  
事贈武翼郎子椿年承襲授廣東市舶監庫轉德慶都監合  
高要調陽江轉新州同知黃通元英宗至治元年勅葬於良

肇慶府志卷十八 人物 二十三  
村都岳塘山椿年子貞卿因家焉舊高明志吳志作高要

梁全字伯謙德慶州人其先河南杞縣人宋南渡時父宦遊  
至晉康因家焉全好學通禮記有文武才任本路同知為政  
以厚風俗興教化為本郡屢為西寇所擾全乃諭民為防禦

策自是歲免劫奪調向武州同知未幾遷太平路同知封敦  
武校尉黃通子俊傑舉文學授承務郎海豐縣令今祀鄉賢

按戴黃郭三通志云梁全延祐間膺薦舉德慶州志  
云至正甲午鄉薦乙未副榜考延祐則元仁宗年號

至正則元順帝年號未知孰是阮通  
郭友德慶州人授大中大夫本路總管始領郡事救災恤民  
入於任興革協宜惠澤及人郡之元老悉能頌之今祀本州

名宦祠同邑戴元字貞甫至正間以鄉貢授封川判官立心

嚴謹撫字有方亦良吏云戴通志

梁仕亨德慶州人以才幹武器授沙村巡檢時流賊劫悅城

鄉仕亨統率兵夫躬為捍禦人賴以安吳志

李逢邱開建一都人學優行飭英偉不羣元至正二年以文

學舉歷任江西行省肅政廉訪司副使振綱肅紀風裁凜然

大德元年致仕開建志

明上

梁敏字以訥高要人父至孫有善行任元為新州同知敏性

孝友穎悟能文年十九舉洪武壬子鄉薦歷清遠教諭繁昌

宛平丞以文學薦擢左春坊左贊善常被命作午門觀燈詩

及賦朝陽鳴鳳圖操筆立就中年喪偶不再娶自奉如寒儒

肇慶府志卷十八

人物

三四

以勤儉訓諸子多所著詠年九十六卒有雲萍集黃通志

梁祖榮高要人洪武中充貢為國子生授武緣知縣憂去永

樂中改知柘城縣值霖雨彌月教民疏濬澮溝邑無水災民

有負租者貧無以償祖榮首捐俸倡之而效助者眾繇是官

無負租民無失所卒於官上同

余存諒高要人建文己卯舉人庚辰進士永樂三年容縣知

縣綏流民撫獮獍時王師征交阯存諒率其部伍運糧民被

其德無逃亡者阮通志

鍾瑛字汝器高要人修眉豐頰沉默莊重事親孝年十一遊

郡庠子史百家靡不該洽永樂辛卯登進士時文帝有事四

方選文行優者入秘閣習四譯文字瑛與選為翰林庶吉士

授編修馳驛歸省鄉人榮之秩滿轉大理寺正仍辦秘閣事

雖久居侍從不殊章布丁內艱哀毀成疾卒

梁軫高要人今三水縣少卓立有經濟永樂辛卯鄉薦授福建道

監察御史肅清風紀務持大體巡按直隸有指揮抵法餽以

金視一明珠五叱之出按湖廣清臬司匿賊劾武臣不法事

後為忌者所中謫雲南典史並黃通志

葉貞字夢吉高要人少有大志由宣德乙卯鄉薦歷潯州鳳

陽慶遠同知居官廉介毅然以民事自任天順三年賊寇慶

遠圍旗山貞督兵赴之賊不戰而潰後兩日賊合眾攻鷄刺

等寨報至而都指揮黃鉞與知府黃振方酣飲弗顧貞嘆曰

民急矣我為父母不一援之忍乎遂拂衣上馬督東蘭那地

目兵及民兵往援抵柳青鋪遇賊力戰賊密識貞攢戈刺之

貞猶手刃一酋子公榮從子官慶民兵璩用和等三百人皆

肇慶府志卷十八

人物

三五

死是夜雷電風雨大作雪深尺許賊大驚解圍去提督都御

史以聞制曰蘇緘擊智高於邕管借子孫以捐軀馬暨挫海

牙於靜江胥將士而殞命貞之壯節奚讓古人贈朝列大夫

廣西布政使司右叅議民立祠祀之顏曰忠義有嘉忠錄明史

傳本

何經字子常高要人領鄉薦任河東運判廉而惠遷順天府

治中勤於職業權河西務清譽益著考廉吏第一戴通志

陳宣字汝為高要人領鄉薦授直隸江陰教諭秩滿當遷詣

銓部辭民事非己所長乃改靈璧教諭與江浦莊景往來最

為所重主考江西薦羅欽順首解咸服其藻鑑友人番禺崔

廷珪按江西有僧犯姦賂宜求為脫罪叱却之其介如此有

集藏於家上同

謝永安高要人正統七年捐穀一千石備賑奉敕旌義民勞以羊酒仍免木戶雜派差役又捐資開渠通水利永滋灌溉

吳志

李顯字炳文高要人領正統辛酉鄉薦授武學訓導時武學

新設慎簡師儒而顯與焉訓迪有方咸知向學教諭安仁時諸生未有以科第顯者程課責成率顯劉烜咸登進士外艱

服闋補邯鄲教諭當考績諸生赴京懇留吏部最選監察御史辭疾不赴遷南昌府學教授教如安仁未幾辭歸卒年七

十九率顯適以叅政分守嶺西誌其墓

戴通志

梁致育字遂初高要人通五經志行高潔以鄉薦歷紹興建

昌訓導六典文衡致仕家居嘗修郡志天順二年流賊掠蓮

塘致青年已九十六被執賊令講書厲聲罵曰蠻奴若曉禮

肇慶府志卷十八

人物

二十七

義必不為此賊不忍嘗以竹輿昇之行政育知不免語昇者

曰至逕口深淵即白我遂投江死賊驚嘆而去有竹屏稿藏

於家子穉應浙江鄉薦穉子瑜瑜子鏞皆舉於鄉知來賓遠

安二縣有政聲鏞廉靜剛方篤於人倫仕至鎮江府同知

李魁字士元高要人登成化進士由禮部郎中出為江西泰

議正版籍平賦稅簡卒徒虔南盜賊以息為忌者所中歸

通志

程文字貫道高要人通春秋績學不倦登進士授南京禮部

主事清慎著聲遷儀制郎中丁外艱杜門謝客絕跡公庭服

除赴部冢宰王恕素重其才欲留用為忌者所沮補南工部

行次高郵卒餘干張吉銘其墓

吳志

吳尚質字叔華梁伯鴻字仲毛俱高要人叔華才思俊逸學

問該博嘗擬解首主司競落時論惜之以歲貢授戈陽訓導

伯鴻亦歲貢訓導温州解官歸徜徉山水吟咏自適陳公甫

嘗寄伯鴻詩明朝擬泛羅浮棹且向西風訪楫師其推重如

此吳有解雲集梁有浮山集二子齊名

吳志

李實字叔大高要人博極羣書舉宏治甲子鄉試三上春官

不第遂怡情山水四十年如一日惟與同邑梁玠往還玠字

宗余亦以歲貢卒業成均隱居不仕結廬郊墅飲酒賦詩老

而不倦大學士方獻夫署吏部事嘗過郡士大夫咸出謁執

二人手曰二公高尙非吏部所能屈也坐以上客年皆八十

黃通志

李一龍字體乾高要人性孝友善事祖父繼母撫其幼弟族

黨稱之領鄉薦授石城教諭襄陽令以興學均徭省刑恤孤

肇慶府志卷十八

人物

二十七

為務置義塚塞金穴毀淫祠崇祀典政績茂著居六年改令

宜城比歸立祀田婚嫁諸姪日與士大夫結社詠詩所著有

益吟稿

吳志

潘節字時中高要人宏治中舉於鄉性孝友持身方正家食

時不私謁郡庭歷融縣教諭桂林教授南太學助教御修餽

勤職業祭酒魯鐸薦之銓部將授憲職以不屈權貴止授永

州府通判進同知為政寬仁明斷上下敬愛會屬邑兵亂僚

佐懼節誓死獨往勞瘁成疾臨終對客議政毫不及私家無

餘蓄太守黃焯誅曰克勤克敏始終耿耿及擬祀典狀曰師

道尊嚴家聲清白今祀鄉賢子庭榮以貢授宣平教諭庭南

鄉試第二授登州守革歲例二千餘金置學田修州邑志居

官可紀

同上

吳赴字允升高要人尙貧之子為人醇謹由鄉薦知武宣縣有惠政遷太平府判同知思恩府時土目岑濬為亂畫策遏禦民賴以安又請命於朝蠲租五百餘石民甚德之入為南京工部員外郎進郎中乞休加光祿寺少卿致仕鄉居恂恂分產以贍諸姪進朝列大夫郭通志

陳輅字以載高要人儀幹魁梧志氣慷慨以舉人授袁州府推官平讞執法人不敢干以私南贛都御史王守仁執宸濠獻俘行在輅與有勞焉為忌者所中罷歸居鄉恂恂至今學者稱其純德年七十有五子修以歲貢任沭陽知縣吳志

謝宗孔高要人正德丙子科鄉薦任藤縣教諭陞國子監助教轉陞贛州府理刑有惠政奉旨考清廉第二人陞處州府理刑陞大巡同上

肇慶府志 卷十八 人物 二十八

麥孟陽字汝復高要人性醇謹舉正德鄉試助教國學至石

阡知府有政聲三年乞休屏迹郊園彈碁賦詩壽八十縣志鄧崇德字子修高要人慷慨有氣節由鄉薦授沙縣知縣俗狡難治崇德以德化之作十事諭民決疑獄活一家死罪者

三民稱神明未幾卒士民聚哭如喪父母同上姚仲韶字以高高要人穎敏十歲補弟子員舉嘉靖壬午鄉試居常修謹取與不苟初任永安知縣廉公有為盜賊屏息邑無冤民卒於官士民慕之有屏桐遺稿吳志

羅一中號元山高要人弱冠從湛文簡遊益潛心理學嘉靖辛卯登賢書出宰江西樂安縣轉湖廣石門縣居官以慈惠為本凡讞獄必焚香告天有羅重辟者輒求其生至不得已抵法情甚惻然居家孝友一日曾客有小婢負一兒趨過即

肅然起立詢之乃其叔也合族宗祠告成文簡書禮義宗祠四字以贈慰官所餘俸悉均分族黨或勸為子孫計曰吾書史滿案即所以遺子孫何必阿堵物耶嘗築一軒與子姪生徒聚講性學卒年七十有四以子欽顏誥贈儒林郎光祿寺署正著有躬行日省錄及元山集五十卷為文簡所賞黃通志陳九成字子韶高要人舉嘉靖庚子鄉試教諭英山轉應天府學教授國子助教召拜山西道監察御史出案甘肅罷歸居家儉素未嘗以非道干人嘗修郡志吳志

區廷芳字士傑高要人善事繼母嘉靖初魏校督學嶺南檄諸生有行者講學五羊書院於城之八隅各置館焉選館師而廷芳師北隅教童子修小學之節是時奸人抵欺因而為市及魏奔喪歸粵中大譁廷芳教北隅如式不及於禍至歐

肇慶府志 卷十八 人物 二十九

陽鐸來督學乃檄還主濂溪書院晚膺歲貢其子文科同以是年貢於開建廷芳為永豐訓導羅城教諭十餘年不增尺寸食舊而已初校問廷芳何為對曰畏慎益其素志也次子肇慶亦以貢教諭番禺能守其庭訓焉郭通志

鍾大成字元聲高要人少端好雖為童子時方領矩步雍雍如也早孤力學淹貫經史年十四補郡庠隆慶己巳恩貢中萬厯癸酉經魁性孝友撫諸弟成立為營室產初授安吉州平賦均役禮士愛民會歲祲寬徵蠲賑全活甚眾調橫州橫

俗多置親不葬為窆不克舉者諸豪家遂爭營地俗為之變晉貳蒼梧郡丁內艱起補福州遇訟獄必合詣案前從容鞫問以此情無不得法稱明允出汎梅花不受兵餽士卒悅服病濕致政行李蕭然士民思之請祀名宦辛巳行弓田法周

令欲約弓足畝威力勸受制於錢曰錢今制也原注此處籍疑有闕文籍遵制細畝額為之矣矧必無細也周令用其言比事竣閩邑稱平他邑皆莫之及至於開鑿北港實穴任勞怨謗虛糧咸力居多上同

謝明德字明之高要人嘉靖辛卯舉人知平和除苛令議販貨禁服毒捕宿惡詔安白葉峒自正德時憑險負固明德上狀請討之檄暮下而朝誓師分道深入賊皆驚潰擒陳劉二酋及餘黨數百人覆其穴漳汀潮贛四郡歡呼相慶督撫薦之遷潮州福建通志

按各舊志及明本鄉試題名嘉靖辛卯並無明德名通志既采人姑存之以俟考

阮金字南重高要人由歲貢任平樂訓導嘗督修仁荔浦縣肇慶府志卷十八人物三十

事修志購書增文廟祭器遷長寧教諭歸居鄉循禮鄉射東序每賓之黃通志

黃虞龍廣東高要人天啟甲子解元崇正庚子特賜進士知清平縣時值苗亂內撫字而外禦侮備極苦心後擢黃平州牧土賊藍二攻陷州城死阮通志

梁廷芳高要人萬曆癸卯鄉舉令旌德清廉有保障勞以直忤歸建塔寺掩遺骸代死友償通課耕教子屏迹城市吳志

羅成功字惟一高要人萬曆癸卯鄉薦謁選得永平推官時兵餉叢雜成功綜覈廉平三輔倚以為重秩滿遷興化同知督師留之崇正己巳城陷冠帶縊於署中盧龍令鄧紹禹以聞贈光祿寺丞上同

李廷材字柱可高要人居家孝友負奇節樂周親友因急文

行早著萬曆癸丑成進士令如學乙卯大飢多所存活掩骼骼千計清丈新漲沙數百頃抵補漕糧以強項調洧川未任卒如阜有遺愛碑郭通志

李初榮高要人萬曆鄉薦令義烏持已廉明待民仁恕捐俸資給諸生膏火以忤權貴罷歸絕迹公庭結社南濠談藝不輟有家訓顏甲集以貽子孫族屬皆興禮義祀鄉賢祠吳志孝子黃煇高要人祀孝弟祠里居事實無考

陸達人四會人光岡九世孫性謹厚行陰德明初時軍旅饑饉人死不得棺生不得食者屢載道達人罄資棺之食之一時盡謂之達人達人亦因以自命云世居邑金雞山下因取其地為城塹以極櫬廢倉基償之遂為櫬都人

林用章四會人元末隨父炯由綏城銀岡徙居上林砥行好肇慶府志卷十八人物三十一

修洪武間以明經授邑訓導聲聞日著應詔上書大要在推誠以安親藩業具藁疾作不果行知縣梁潛閱其書趨之惜不究其用上俱同

劉德其先真定人祖宦遊嶺表家於四會稟性剛直勇健善戰洪武初兵至德往見征南將軍廖永忠遂薦之於朝授陝西鞏昌府通判陞臨洮府同知湖廣襄陽府知府福建都轉運使洪武十三年引年卒於家阮通志

陳迪字保中四會人博學能文篤於孝友登洪武乙丑進士任陵江縣丞有政聲坐事謫戍遼左以明經薦為國子助教仁宗在東宮時召入文淵閣同修永樂大典居館職十餘年有詩文類集藏於家載通志

呂斯美字道先四會人俊雅有直節博洽多才洪武間由人

材薦辟授兵科給事中遇事敢言行事亦多卓犖云黃通志  
盧剛字柔濟四會人洪武二十五年貢入太學歷官岳州守  
嘗誦范文正先憂後樂語一意愛民不為私圖勵精勤政與  
利除害百姓德之致官家居恂恂不立崖岸鄉人至今稱誦  
之吳志

林實字光輔四會人永樂乙未進士授陝西道監察御史在  
任十餘年歷按三省嚴毅執法不少徇人持服家居族姻私  
托悉拒之服闋之藩司請牒藩臬將祖儉即夜解舟去明日  
追饋竟不受其清操如此弟全永樂甲辰進士性剛直有藻  
鑑與實齊名黃通志

林全字光道永樂甲辰進士授吏部文選司主事性剛直有  
藻鑑常與家宰酌議選士輒嘆以為知人與兄貢同心國事  
肇慶府志卷十八 人物 三十三

為時所重請告家居未幾部行催促復任尋卒吳志  
劉澄字端本四會人謹樸寡言事親孝家貧力學手不釋書  
登進士歷官戶部郎中出守興化蔬食布衣澹如也應召卒  
於途行李蕭然人比之趙成都云載通志

李宗林字嗣茂四會社山都人幼值兵亂奉母賴氏遷徙不  
常而晨昏定省問寢視膳會不少輟舉永樂戊子鄉薦任交  
州府利仁縣令育士愛民興廢祛弊多有美政惠澤及人人  
咸戴之以病歸百姓泣留刻石頌德垂棗歸家片楮不入公  
門性好詩文勤著述吟咏自適而排難解紛仗義務施尤為  
里中所倚重年七十四卒於家上  
鄭彤字子敬四會貞山都人性剛方貧而有守領永樂鄉薦  
以文學入對授吏科給事中疏劾李賢隱伏事忤執政罷去

杜門謝事衣食不給處之裕如子錫景泰鄉薦任廣州府同  
知吳志  
李道全字時行四會人由鄉薦任橫州寧州知州剛練果斷  
不受私謁州多武弁數挾私自事全不聽謙之遂以事申全  
遷漳州郡丞未之官罷歸家居敦尚禮義手不釋卷晚而彌  
篤那通志

林世遠字思紹四會人幼孤母歐陽氏訓之博洽經史長於  
文詞登成化進士歷甫田蕪湖魏縣知縣所至有聲擢監察  
御史按滇南振風紀善處諸蠻出守蘇州剔奸祛弊平海寇  
修郡志皆有成績載通志

歐陽福四會人成化間靈山縣西鄉巡檢蠻寇掠永泰村福  
率民兵奮戰亡於陣巡撫以聞贈布政司照磨旌其閭曰榮  
肇慶府志卷十八 人物 三十三

忠錄子為柳州訓導鄉民立祠祀之那通志  
李津字濟之四會人性剛介苦志勵行登宏治壬戌進士知  
寧海州時劇賊劉七等流劫本境津乘夜遣卒四出發砲張  
疑兵以懼之賊遂引去陞南京刑部員外郎進郎中歷守南  
寧耶陽興學救荒俱有成績陞兩淮都運使時鹽筴叢委奸  
蠹根據摻剔釐正一裁以法國課倍昔而羨餘悉歸於公為  
權貴所忌罷歸南海吳允貞亦以廉介稱每自誦曰得無愧  
吾鄉濟之否其為人所敬服如此生平淡薄片楮不進公門  
年七十卒於家黃通志

簡篤敬四會人智勇過人宏治間馬山羣盜嘯聚猖獗陶公  
魯討平之餘黨多潛伏平甕山募有能往招降者敬應募以  
已降渠魁四人抵賊巢穴陳說利害眾盡出降上